

KATRIYÈM PATI

Priyè krétyin-an

PRÉMIÉ SÉKSION

Priyè-a nan lavi krétyin-an

TOUAZIÈM CHAPIT

Lavi priyè-a

ATIK 2

Konba priyè-a

- 2725 Priyè-a sé kado lagras-la épi répons ki fèm sou bò pa-nou. Li toujou sipozé yon éfò. Moun ki té konn priyé tout bon-yo nan Ansyin Téstaman-an anvan Kris-la, minm jan ak Manman Bondié-a tou épi sin-yo avèk li, yo aprann nou: priyè-a sé yon konba. Kont kilès? Kont nou-minm minm
- 2612, 409 épi kont tronpri sa k-ap tanté-a k-ap fè tout sa-l kapab pou fè moun-nan viré do bay priyè-a, viré do bay fè youn ak Bondié-l la. Chak moun priyé jan-l viv, paské chak moun viv jan-l priyé. Si yon moun pa vlé aji nòmalmman dapré Éspri Kris-la, li pap kapab nòmalmman priyé nan non-l.
- 2015 « Konba spirituèl » nouvo lavi krétyin-an pa kapab séparé ak konba priyè-a.

I. Objéksion kont priyè-a

- 2726 Nan konba priyè-a, nou doué afronté nan nou-minm épi alantou nou, *fason yo ouè priyè-a ki pa vré*. Ginyin ki ouè nan li yon sinp travay psikolojik, gin lòt ki ouè-l kòm yon éfò konsantrasyon pou moun-nan rivé nan yon vid mantal. Gin lòt ki rédui-l nan konpòtman ak paròl rituèl. Yon fason inkonsian, nan lidé anpil krétyin, priyé sé yon okipasyon ki pa konpatib ak tout sa yo ginyin pou yo fè : yo pa gin tan. Moun k-ap chèché Bondié nan priyè-a, dékourajé vit, paské yo pa konnin priyè-a sé nan Éspri-Sin-an li soti tou, sé pa nan nou sèlman.
- 2710

- 2727 Nou gin pou afronté *mantalite* (mòd réfléksion) « moun tè sa-a » ; yo antré nan nou, si nou pa vijilan, parégzanp : sé sèlman sa rézon-an ak lasians prouvé ki vérité (min priyè-a sé yon mistè ki dépasé nivo konsian-an ak inkonsian-an nan nou) ; sa-k gin valè sé sa k-ap produi épi bay randman (priyè-a pa produi anyin, donk li inital) ; sé sansasion-yo épi konfò-a ki kritè vérité-a, byin-an, bèlté-a (min priyè-a, « rinmin Bèlté-a » [philocalia] sé gloua Bondié vivan-an épi vré-a ki intérése-l) ; pou réaji kont aktivism-nan, min yo prezanté priyè-a tankou pran lafuit parapò a réalité tè-a (min priyè krétyin-an sé pa soti nan istoua-a ni divosé ak lavi-a).
- 2728 Anfin, konba nou-an doué afronté bagay nou ouè kòm *échèk-nou nan priyè-a* : dékourajman dévan séchrès-nou, chagrin poutèt nou pa bay Bondié tout bagay paské nou gin « anpil byin » (cf. Mc 10, 22), désépsion paské nou pa jouinn sa nou mandé dapré pròp volonté-nou, ògèy-nou ki blésé paské n-ap vîn gin kè di nan mové kondision-nou kòm péchè, lidé ki pa vré osijè karaktè gratis priyè-a, etc. Konklizion-an sé toujou minm-nan : sa sa sèvi pou priyé ? Pou ranpòté viktoua sou obstak sa-yo nou bézouin konbat pou umilité, konfians épi pèsévérans.

II. Vijilans kè ki pòv-la

Dévan difikilté priyè-a

- 2729 Difikilté ki pi kouran pou priyè nou-an sé *distraksion mantal-la*. Li ka konsèné paròl-yo ak signifikasion yo nan priyè vokal-la ; li kapab régadé tou Bondié n-ap priyé-a, nan priyè vokal-la (litijik épi pèsonèl), nan méditation-an épi nan priyè kontanplatif-la. Plédé chèché chasé distraksion-yo sé tonbé nan pièj yo-a, alòské sa sifi pou nou rantré nan kè-nou :
2711 distraksion léspri-nou révéle nou sa nou ataché ak li épi lè nou pran konsians sa ak umilité dévan Bondié, sé pi plis pou-l t-a éksité rinmin nou pou li, épi pou nou ofri-l kè-nou ak fèm rézolisyon pou-l kapab pròpté-l. Sé la pou nou mété konba-a, chouazi ki Mèt nou vlé sèvi (cf. Mt 6, 21. 24).
- 2730 Yon fason pozitif, konba kont tandans pou nou posédé épi dominé-a sé *vijilans-la*, tanpérans (sobriété) kè-a. Lè Jézu ap insisté sou vijilans-la, sé toujou parapò a li-minm minm, parapò a Vini li gin pou-l vini-an, parapò
2659 a dènié jou-a épi parapò a chak jou : « Jodi-a ». Épou-a ap vini nan mitan nuit-la ; limiè ki pa doué étinn-nan sé limiè lafoua-a : « Sé sou ou kè-m té di : “Chèché fas mouin” » (Ps 27, 8).
- 2731 Yon lòt difikilté, spésialman pou moun ki vlé priyé sinsèman, sé *séchrès-la*. Li fè pati priyè-a koté kè-a vîn san richès, san gou pou réfléksion-yo, souvni-yo épi santiman-yo, minm sa-k spirituèl-yo. Lè sa-a sé moman lafoua san mélanj-la, ki rété fidèl ak Jézu nan agoni-a épi nan

1426 tonb-nan. Grinn blé-a, « si-l mouri, li donnin anpil frui » (Jn 12, 24). Si séchrès-la sé paské manké rasîn, paské paròl-la tonbé sou ròch, konba-a sé parapò a konvèsion-an (cf. Lc 8, 6. 13).

Dévan tantasion-yo nan priyè-a

2732
2609, 2089 Tantansion yo jouinn pi fasil nan priyè-a, tantasion ki pi kaché-a, sé *manké nou manké lafoua-a*. Li pa tèlman éksprimé nan yon pa kouè aklè (incrédulité déclarée) min pito nan yon préfèrans “de facto”. Lè nou kòmansé priyé gin mil travay oubyin okipasion nou éstimé ki pi présé, ki prezanté tèt-yo kòm priorité ; la-a tou yon lòt foua sé moman vérité kè-a épi sa-l préféré rinmin-an. Pafoua nou viré kot Granmèt-la kòm dènié rékou ; min èské nou vrèman kouè sa ? Pafoua nou pran Granmèt-la tankou yon asosié ki gin kontra avèk nou, min kè-a toujou rété nan arogans-la. Nan tout ka sa-yo sé mank lafoua-nou ki révélé, nou poko ginyin dispozision umilité kè-a : « San mouin nou pa kapab fè anyin » (Jn 15, 5).

2733
2094 Yon lòt tantasion sé arogans-la ki ouvri pòt pou li, sé *asédi-a* (acédie). Pèr spirituèl-yo té konprann ak mo sa-a yon fòm dépréssion ki konsékans néglijans kè-a ki bay rélachman nan disiplin-nan, ki diminué vijilans-la. « Espri-a [...] vif, min chè-a fèb » (Mt 26, 41). Moun ki tonbé sot pi ro-a, li frapé pi mal. Dékourajman-an, sé révè fas arogans-la ki bay douè. 2559 Moun ki gin umilité-a, li pa sézi poutèt mizè li-a, sa minnin-l nan plis konfians, nan rété pi solid nan kinbé fèm-nan.

III. Konfians tankou pitit

2734
2629 Konfians tankou pitit-la sibi éprèv – li bay prèv sa-l vo – nan tribilasyon-an (cf. Rm 5, 3-5). Difikilté prinsipal-la sé parapò a *priyè démann-nan*, nan intèsésion pou nou-minm oubyin pou lòt-yo. Gin moun ki minm sispann priyé, paské yo pansé Bondié pa kouté démann yo-a (li pa égzosé). La-a gin dé késion yo doué pozé : Poukisa nou pansé yo pa kouté démann nou-an ? Kijan yo tandé priyè nou-an, kijan li « éfikas » ?

Poukisa n-ap plinyin yo pa tandé priyè nou ?

2735
2779 Gin yon konsta ki t-a doué toudabò fè nou étoné. Lè n-ap fè louanj pou Bondié oubyin lè n-ap fè aksion-d-gras pou li pou byinfè li-yo, sé apèn nou inkiété nou pou-n konnin si priyè nou-an té aksépté. Min, okontrè, nou égzijé pou-n ouè rézilta démann nou-yo. Ki imaj Bondié minm k-ap motivé priyè nou-an : èské sé yon mouayin n-ap anplouayé oubyin èské sé Papa Granmèt nou-an Jézu-Kri ?

2736
2559 Èské nou gin konviksion osijè « nou pa konnin kijan pou nou priyé »-a (Rm 8, 26) ? Èské nou mandé Bondié « byin ki konvna » ? Papa-nou konnin sa nou bézouin anvan nou mandé-l (cf. Mt 6, 8) min l-ap tann

1730 démann nou-an paské dignité pitit li-yo sé nan libèté yo li yé. Sé poutèt sa nou doué priyé avèk Éspri libèté-a, pou nou kapab konnin réyèlman vré kisa li vlé (cf. Rm 8, 27).

2737 « Nou pa ginyin, paské nou pa mandé ; nou mandé, min nou pa jouinn, paské nou mandé mal, pou nou dépansé pou anvi nou » (Jc 4, 2-3 ; cf. tout kontèks-la Jc 4, 1-10 ; 1, 5-8 ; 5, 16). Si n-ap mandé ak dé kè, ak yon kè « adiltè » (Jc 4, 4), Bondié pa kapab kouté sa nou mandé-a paské li vlé sa-k byin pou nou, li vlé lavi pou nou. « Èské nou kouè sé pou granmèsi sa-k ékri-a di : “Éspri ki abité nan nou-an, l-ap chèché jouinn sa-l anvi-a” ? » (Jc 4, 5) ? Bondié nou-an « jalou » pou nou, sé sign vérité rinmin-l nan. Sé pou nou antré nan sa Éspri-l la vlé épi l-ap kouté priyé nou :

« Pa fè tankou moun k-ap aji ak pouvoua pou sa-ou mandé rivé tousuit ; li vlé réyèlman ba-ou plis byinfè antan-ou pèsévéré nan priyé-a » (Evagre, or. 34 : PG 79, 1173).

Li-minm li vlé « pou dézi nou-an égzèsé nan priyé-yo, pou nou kapab résévoua sa-l préparé pou-l bay-la » (S. Augustin, ep. 130, 8, 17 : PL 33, 500).

Kijan priyé-nou vîn éfikas ?

2738 Révélation priyé-a nan Prinsip ki dirijé sové nou sové-a (Économie du
2568 salut) aprann nou lafoua-a apuiyé sou aksion Bondié nan istoua-a. Konfians tankou pitit-la révèyé palintèmediè aksion-l nan ki gin pi gran
307 valè-a : soufrans ak rézireksion Pitit li-a. Priyé krétyin-an sé kolaborasion ak providans Bondié-a, ak projè rinmin li-an aléga moun-yo.

2739 Kay sin Pòl, konfians sa-a gin odas (cf. Rm 10, 12-13), li fondé sou
2778 priyé Éspri-a nan nou épi sou fidèlité rinmin Papa-a ki ba nou sèl Pitit li-a (cf. Rm 8, 26-39). Transfòmasyon kè k-ap priyé-a sé premié répons démann nou-an.

2740 Priyé Jézu-a fè priyé démann krétyin-an vîn éfikas. Sé li-minm minm
2604 ki modèl-la. L-ap priyé nan nou épi avèk nou. Paské kè Pitit-la pap chèché anyin dèt pasé sa-k fè Papa-a plézi, kòman pou priyé pitit adoptif-yo t-a pi rété kolé sou kado-a (don-an) pasé sou Bondié k-ap bay li-a (Donatè-a) ?

2741 Jézu ap priyé pou nou tou, nan plas-nou épi an favè-nou. Tout démann
2606 nou-yo, yon foua pou tout yo ranmasé nan rèl li té pousé sou koua-a épi Papa-a té kouté-a nan Rézireksion-l nan, épi sé poutèt sa li pa sispann intèsédé pou nou kot Papa-a (cf. He 5, 7 ; 7, 25 ; 9, 24). Si priyé nou-an fè
2614 youn byin fèm ak priyé Jézu-a nan lafoua ak nan odas tankou pitit, tout sa nou mandé nan Non-l, n-ap jouinn li, plis pasé tèl bagay oubyin tèl lòt bagay : n-ap jouinn Éspri-Sin-an minm ki gin tout kado-yo nan li.

IV. Pèsévéré nan rinmin-an

- 2742 « San rété sé pou nou priyé » (1 Th 5, 17), « antan n-ap di Bondié ak
 2098 Papa-a mési tout tan pou tout moun o non Granmèt nou-an Jézu-Kri » (Ep
 5, 20), « avèk tout kalité priyé ak démann, sé pou nou rét ap priyé tout tan
 nan Éspri-a ; sé pou nou rét ap véyé nan li antan nou pèsisté koté-l épi nou
 fè démann pou tout sin-yo » (Ep 6, 18). « Yo pa-t kòmandé nou pou nou
 toujou ap travay, ap véyé, ap jéné ; min priyé san rété-a, Laloua-a
 kòmandé sa » (Évagre, cap. pract. 49 : PG 40, 1245C). Difé sa-a k-ap
 boulé san fatig-la sé sèlman nan rinmin-an li kapab soti. Kont mank énéji
 nou-an épi parès nou-an, konba priyé-a sé konba *rinmin* ki gin umilité-a,
 ki fè konfians-la épi k-ap pèsévéré-a. Rinmin sa-a ouvri kè-nou pou toua
 162 évidans lafoua-a, ki kléré épi ki bay lavi :
- 2743 Li *toujou posib* pou priyé : tan krétyin-an sé tan Kris-la ki résisité-a ki
 avèk nou « touléjou » (Mt 28, 20), kèlkésoua tanpèt-yo (cf. Lc 8, 24). Tan
 nou-an nan min Bondié :
- « Li posib pou yon moun priyé ak atansyon minm lè li nan maché oubyin l-ap
 pronmmin : yon lòt, minm jan-an, antan-l chita nan boutik-li ap koud kui, li
 kapab lévé nanm-li bay Bondié ; li posib pou yon sèvitè k-ap fè provizion
 épi k-ap monté désann, oubyin k-ap travay nan kuizîn [...] fè yon priyé ki
 atantif ki sot nan fon kè » (S. Jean Chrysostome, ecl. 2 : PG 63, 585A).
- 2744 Priyé sé yon *nésésité vital*. Démonstrasyon ka kontrè-a bay prèv pou
 konvink nou : si nou pa kité Éspri-a gidé nou, n-ap tonbé ankò nan
 esklavaj péché-a (cf. Ga 5, 16-25). Kòman Éspri-Sin-an kapab « lavi-
 nou » si kè nou louin-l ?
- « Pa gin anyin ki égal ak priyé-a : sé li-minm ki fè sa-k inposib vîn posib, sa-
 k difisil vîn fasil [...]. Li inposib pou [...] moun [...] k-ap priyé-a [...] janm
 tonbé nan péché-a » (S. Jean Chrysostome, Anna 4, 5 : PG 54, 666). « Moun
 ki priyé-a, sètènman l-ap sovè ; sa-k pa priyé-a, sètènman l-ap kondané » (S.
 Alphonse de Liguori, mez.).
- 2745 Li *pa posib pou séparé priyé-a ak lavi krétyin-an* paské sé minm
 rinmin-an ak minm rénonisman-an ki soti nan rinmin-an. Sé minm
 konfòmité pitit ki rinmin-an ak désizyon Papa-a. Sé minm fè youn-nan
 (union) k-ap transfòmé nou nan Éspri Sin-an ki fè nou toujou pi konfòm
 2660 ak Kris Jézu. Sé minm rinmin-an aléga tout moun-yo, sé ak rinmin sa-a
 Jézu té rinmin nou. « Pou ninpòt ki sa nou mandé Papa-a o non-m li ba
 nou-l. Sa mouin kòmandé nou, sé pou nou youn rinmin lòt » (Jn 15, 16-
 17).
- « Moun ki priyé san rété-a, sé sa ki fè priyé-a fè youn ak travay ki doué fèt-
 yo, épi ki fè aksion-yo alé ak priyé-a ; sé sèl fason pou nou kapab pran lòd
 yo pasé-a pou fè-l posib » (Origène, or. 12).

V. Priyè Lè Jézu-a

- 2746 Lè Lè Jézu-a té rivé-a, li priyé Papa-a (cf. Jn 17). Priyè-l la, sa-k pi long Évanjil-la transmèt nou, li anbrasé tout Prinsip ki dirijé kréasion-an ak salu-a (Économie de la création et du salut), minm jan ak Lanmò-l épi Rézireksion-l. Priyè Lè Jézu-a toujou rété nan li, minm jan Pak li-a, kòm 1085 li rivé « yon foua pou tout tan », li rété prézan nan litiji l'Égliz li-a.
- 2747 Tradision krétyin-an gin rézon rélé-l priyè « sasèrdotal » Jézu-a. Li sé priyè Gran-Prèt nou-an, ki inséparab ak sakrifis li-a, inséparab ak pasaj li-a al jouinn Papa-a (« Pak ») koté sé tout li-minm ki « konsakré » bay Papa-a (cf. Jn 17, 11. 13. 19).
- 2748 Nan priyè Pak sa-a, sakrifis sa-a, tout bagay « réprann nan tèt » nan li-minm (cf. Ep 1, 10) : Bondié épi tè-a, Paròl-la épi chè-a, lavi ki pap fini-an épi tan-an, rinmin-an ki rinmèt tèt-li épi rayisans-la ki trayi-l la, disip ki la prézan-yo épi sa ki pral kouè nan paròl yo-a, vidé pròp tèt li-a épi 820 gloua-a. Sé priyè pou yo fè youn-nan (unité-a).
- 2749 Jézu akonpli tout travay Papa-a épi priyè-l la, minm jan ak sakrifis li-a, rivé jous nan finisman tan-an. Priyè Lè-a ranpli dènié tan-yo épi li minnin yo nan réalizasion-yo. Jézu, Pitit Papa-a té bay tout bagay-la, rinmèt tout li-minm bay Papa-a épi an minm tan, ak yon gran libèté li éksprimé-l (cf. Jn 17, 11. 13. 19. 24) poutèt pouvoua Papa-a ba li sou tout chè-a. Pitit-la, 2616 ki tounin Sèvitè, sé Granmèt, *Pantocrator* (ki kòmandé tout bagay). Sé Gran-Prèt nou-an k-ap priyé pou nou-an, sé li-minm tou k-ap priyé nan nou épi Bondié k-ap kouté priyè nou-an.
- 2750 Sé antan nou antré nan sin Non Granmèt Jézu-a n-ap kapab résévoua, sou paranndan, priyè li-minm li anségné nou-an : « Papa nou ! ». Priyè 2815 sasèrdotal li-a, sou paranndan, inspiré gran demann « Papa-nou »-an : pran souin Non Papa-a (cf. Jn 17, 6. 11. 12. 26), chalè pou Rouayòm li-an (gloua li-a ; cf. Jn 17, 1. 5. 10. 24. 23-26), akonplisman volonté Papa-a, projè salu li-a (cf. Jn 17, 2. 4. 6. 9. 11. 12. 24) épi libérasion anba sa-k mal-la (cf. Jn 17, 15).
- 2751 Anfin, sé nan priyè sa-a Jézu révéle nou épi ba nou « konésans » 240 inséparab Papa-a ak Pitit-la (cf. Jn 17, 3. 6-10. 25) ki mistè lavi priyè-a minm.

RÉZIMÉ

- 2752 *Priyè-a sipozé yon éfò ak yon konba kont nou-minm épi kont tronpri sa k-ap tanté-a (Tantatè-a). Konba priyè-a inséparab ak « konba spirituèl-la » ki nésésè pou nou aji abituèlman dapré Éspri Kris-la :*

chak moun priyé minm jan li viv, paské chak moun viv minm jan li priyé-a.

- 2753 *Nan konba priyé-a nou doué afronté fo-lidé nou gin sou priyé-a, diféran tandans mantalité koulié-a, ékspérians échèk nou-yo. Dévan tantasion sa-yo ki fè vîn gin dout sou sa priyé-a itil oubyin minm sou posibilite-l, nou doué réponn ak umilité, konfians épi pèsévérans.*
- 2754 *Difikilté prinsipal nan pratik priyé-a sé distraksion nanm-nan épi séchrès-la. Rémèd-la sé nan lafoua, konvèsion ak vijilans kè-a li yé.*
- 2755 *Gin dé tantasion k-ap ménasé priyé-a anpil foua : mank lafoua épi asédi (acédie) ki yon fòm déprésion léspri-a ki fè gin rélachman nan disiplin lavi-a épi ki minnin nan dékourajman.*
- 2756 *Sé yon éprèv konfians nou doué ginyin kòm pitit-la sibi, lè nou pansé yo pa kouté priyé nou-an. Évanjil-la invité nou égzaminé nan ki mézi priyé nou-yo an akò ak sa Éspri-a vlé-a.*
- 2757 *« Priyé san rété » (1 Th 5, 17). Li posib pou nou toujou priyé. Sé yon bézouin vital tou. Yo pa kapab séparé priyé-a ak lavi krétyin-an.*
- 2758 *Priyé Lè Jézu-a, yo byin fèt rélé « priyé sasèrdotal-la » (cf. Jn 17), rézimité tout Prinsip diréksion kréasion-an ak salu-a (Économie de la création et du salut). Sé li-minm ki inspiré gran démann priyé « Papa-nou »-an.*

[◀Atik
anvan-an](#)

[Gid jénéral-la](#)

[Atik▶
apré-a](#)